

吳

興

藝

文

補

天興藝文補卷之六十二 目次

詩餘

唐

溫庭筠

夢江南

孫光憲

漁歌子

宋

葉清臣

賀聖朝

春暮

鳳皇閣

傷春

張先

一叢花

天仙子

時爲嘉禾小倅以
病眠不赴府會

又別渝

又公擇

將行

定風波令

次子瞻韵送
元素内翰

又再次韵

送子瞻

又 霄溪席上同會者六人，堪元素侍讀劉孝叔吏部子瞻公擇二學士，殊令舉賢良。

玉聯環

木蘭花

去春自湖歸，枕憶南園花已開。有當時猶有藥如梅之句，今歲還鄉南園花正盛，復爲此詞以寄意。

又

和孫公素別安陸

又

邠州作

又

乙卯吳興典寒食

傾盃

吳興

離亭宴

公擇別吳興

卜筮子慢

憶秦娥

繫裙腰

偷聲水蘭花

歸朝歡

慶春澤

漁家傲

和程公
闕贈別

少年遊慢

慶金枝

長相思

子飛樂

行香子

虞美人

胡搗練

晉上送唐彦猷
彦猷名詢郡守

汎清茗

正月十四日與
公擇吳興汎舟

惜瓊花

醉桃源

渭州
作

剪牡丹

舟中聞
雙琵琶

滿庭芳

漁舟

青門引

懷舊

碧牡丹

戲晏公
出侍兒

蘇軾

定風波

後六
客

南歌子

湖州
作

河滿子

湖州
作

陽關曲

李公
擇

減字木蘭花

過吳興李公擇生子三
日會客作此詞戲之

南鄉子

席上勸李公擇酒

浣溪沙

又和前韵

雙荷葉

江城子

湖上與張先同賦

千秋歲

湖州誓來徐州重陽作

蝶戀花

過漣水贈趙晦之

浣溪沙

漁父

黃庭堅

浣溪沙

擬張志和漁父詞

鷓鴣天

有序

朱服

漁家傲

春

秦觀

調笑令

樂昌公主

釋淨端

憶王孫

漁父二首

又

讚淨土二首

毛滂

浣溪沙

仲冬朔日獨步花塲中
曉酌蕭然見櫻桃有花

又寒食初晴

東堂對酒

又八月十八
夜東堂作

又武康社
日三首

泊望仙橋月
夜舟中留客

又泊望仙橋月
夜舟中留客

又泛舟還
餘英館

清平樂

東堂月夕小酌時寒
秀亭下安羅花盛開

又送買私老盛德常還郡時飲

官酒于東堂二君許復過此

踏莎行

正月五日定
空寺觀梅

玉樓春

戊寅重陽病中不飲惟煎
小雲團一盃薦以菊花

又

定空寺
賞梅

山花子

吳興僧舍竹下
與王明之飲

南歌子

正月二十八日
定空寺賞梅

又

東堂小酌
賦秋月

減字木蘭花

留賈
耘老

蝶戀花

戊寅秋寒
秀亭觀梅

又

東堂下牡丹僕所
栽者清雨後見花

西江月

次韻孫使君真花
寄時侯武康待次

又 縣圃

小酌

雨中花

武康秋
雨池上

菩薩蠻

定空寺
賞梅

漁家傲

戊寅冬以病告卧潛玉時時策
杖寒秀亭下作漁家傲三首

驀山溪

武康東
堂作

夜遊宮

僕養一鶴逸去因問時以扇鄭德僑家今
縣齋新作陽春亭旁見近山數峯因德僑

歸以此語鶴便知

僕居此不落寞也

夜行舟

餘英露
汎舟

憶秦娥

冬夜宴東堂

調笑令

詠杜牧之
若子事

劉蕙

花心動

賦梅

葉夢得

水調歌頭

九月望日與客習射
西園余病不能射

又

癸丑
中秋

八聲甘歌

正月二日作是歲閏
正月十四日總立春

又

又

甲辰承詔知止亭初畢工劉無言相過

定風波

與韓譽才卿步西園始見青梅

又

又

江城子

次韵葛魯卿上元

浣溪沙

意在亭

又

與魯卿酌別席上次韻

臨江仙

次葛魯卿法華山曲水勸酒

又

西園右春亭新成

點絳脣

晚出山楸春初植蘭榭
側近復生紫芝十一本

又

丙辰八月二十七日
雨中與何彥亨小飲

鷓鴣天

與幹譽
賞梅

又

次韻魯卿大
鏡觀太湖

又

與魯卿晚雨泛舟出
西郭用烟波定韻

雨中花慢

寒食前一日小雨牡丹已
將開與客置酒座中戲作

南鄉子

池亭新
成晚步

又

癸卯種梅于西巖地瘦難立石間無花
今歲十一月驟先開數枝喜而爲賦

卜算子

並澗頃種木芙蓉
九月旦盛開

南歌子

是日微雨過午而霽晚
遂月出次劉無言韵

採桑子

冬至日與許幹
琴章幾道飯
續喜晚歸雪作
因留小飲

葛勝仲

字魯卿

西江月

風情

驀山溪

詠天穿
節爾射

沈與求

見前

浣溪沙

和鄭慶嬰
雪中作

江城子

葛使君示舊有元夕寒廳孤坐之歎昨日
石林寄示所和長短句輒亦次韻和呈因

以自足窮
寂之態

又

和葉左丞石林

胡舜陟

寓公

感皇恩

弓嗣居射村作

漁家傲

汪藻

小重山

紅蓼汀憶別

陳與義

虞美人

劉一止

夜行船

念奴嬌

中秋後一日
泊丹城

虞美人

族兄無
言赴召

江城子

王元渤舍人將赴
吉州因以戲之

臨江仙

和王元
渤韻

驀山溪

葉左丞
生日

夢橫塘

水調歌頭

木蘭花

餞別王元
渤赴吉州

浣溪沙

點絳脣二首

和王元渤
舍人見貽

喜遷鶯

踏莎行

鵲橋仙

胡仔

見前

滿江紅

水龍吟

劉光祖

見前

鵲橋仙

留別

臨江仙

自詠

踏莎行

春暮

醉落魄

春日懷故山

侯寘

鷓鴣天

送田簿秩滿雲川

蘇武慢

湖州趙守席上作

康與之

訴衷情

登鬱孤臺與施德初同讀坡詩作○德初名元之

毛并

念奴嬌

次韻施德初席上

水調歌頭

送周元持

滿江紅

送施德初

江城子

和德初燈夕詞次葉石林韻

周必大

點絳脣

丁亥九月巳丑赴池陽太守趙富文招飲坐中見梅花賦

又

七月趙富文出家姬小頃再賦

吳淑姬

郡人

長相思 冬杪

惜分飛 送別

小重山 春愁

祝英臺近

姜夔

琵琶仙 吳興感遇

惜紅衣 吳興荷花

念奴嬌 吳興荷花

探春慢 過茗園別鄭次臯諸君

卽次

鷓鴣天

茗溪記
所見

暗香

疎影

齊天樂

蟋蟀

楊州慢

感舊

章良能

見前

小重山

章謙亨

見前

摸魚兒

過期思稼軒之居溟嘗飲
於秋水觀賦一辭謝之

念奴嬌

同官相招西湖觀梅
川東坡大江東去韻

念奴嬌

垂楊在秦登臺
之側喜得其地

浪淘沙

雲藏鷺
湖山

小重山

同仇香過汭
川道間偶成

王炎

小重山

至後一日長興趙宰到郡并招
歸安烏程二宰及項廣文同飯

阮郎歸

嘗川
作

臨江仙

莫子章郎中買妾佐酒魏倅以詞戲
之次韻二首○子章名淳仲珪子

水調歌頭

送魏倅

吳文英

祝英臺近

春日客龜溪遊廢圃

珍珠簾

春日客龜溪過貴人家隔牆聞簫鼓聲疑是按舞竚立久之

金縷歌

爲德清趙君賦小垂虹

又

陪履齋先生滄浪看梅

浣溪沙

中冬望後出迓履翁舟中卽興

西河

陪鶴林先生登花園

林洪

戀繡衾

詠旌梅

王楙

望江南

壽張
儀真

吳潛

見前

滿江紅

送李御
帶琪

水調歌頭

送吳叔
未文昌

賀新郎

送吳叔
季侍郎

又

吳中韓氏滄浪
亭和吳夢窓韻

又

用趙州父左司
韻送鄭宗丞

又

寄趙
南仲

又春感

又

贈建寧妓女

滿庭芳

春感

醉江月

梅花

又

暇日登樓望揚州於雲烟縹緲之間寄趙南仲端明

聲聲慢

和吳夢窓賦梅

程公許

見前

沁園春

題東林山回仙道院

念奴嬌

中秋

文及翁 見前

賀新郎

百字令 詠雪

吳興藝文補卷之六十二 終

吳興藝文補卷之六十二

烏程董斯張遐周彙編

閔元衢康侯叅編

韓昌箕仲弓增定

詩餘

唐

夢江南

溫庭筠

梳洗罷獨倚望江樓過盡千帆皆不是斜暉脈脈水悠悠
悠腸斷白蘋洲

漁歌子

孫光憲

藝文補

卷六十二

詩餘

泛流螢明又滅夜涼水冷東灣澗風浩浩笛寥寥萬頃
金波澄徹 杜若洲香郁烈一聲宿雁霜時節經管水
過松江盡屬儂家日月

宋

賀聖朝

春暮

葉清臣

滿樹綠醕留君住莫匆匆歸去三分春色二分愁悶一分風雨
花開花謝都來幾日且高歌休訴知他來歲牡丹時候相逢何處

鳳皇閣

傷春

葉清臣

過園林綠暗渾如翠幄下無一片是花萼可恨輕陰橫
雨忒煞情薄盡底把韶華送却楊花無奈是處穿簾
透幕豈知人意正蕭索春去也這般愁沒處安着怎奈

向黃昏院落

一叢花

張先

傷高懷遠幾時窮無物似情濃離愁正引千絲亂更南
陌飛絮濛濛嘶騎漸遙征塵不斷何處認郎蹤 雙鴛
池沼水溶溶南北小橈通梯橫畫閣黃昏後又還是斜
月簾櫳沉恨細思不如桃杏猶解嫁東風

天仙子

時爲嘉禾小作以
病眼不赴府齋

張先

水調數聲持酒聽午醉醒來愁未醒送春春去幾時迴
臨晚鏡傷流景往事後期空記省 沙上水禽池上暝

雲破月來花弄影重重簾幙密遮燈風不定人初靜明
日落紅應滿徑

又別渝州

張先

醉笑相逢能幾度爲報江頭春且住主人今日是行人
紅袖舞清歌女憑仗東風交點取三月柳枝柔似縷
落絮倦飛還戀樹有情寧不憶西園鶯解語花無數應
訝使君何處去

又公擇
將行

張先

坐話吳州成樂土詔卷風飛來聖語親與乞得便落歸

瑤席玉杯休數清夜爲君歌自帶
花褪舊枝新藥吐
造化不知人有助看花歲歲比甘棠嘉月暮東門路只
恐帶將春色去

定風波令

次子瞻韵送
元素内翰

張先

浴殿詞臣亦議兵禁中頗牧党羗率詔卷促歸難自緩
溪館綵花千數酒泉清
春草來青秋葉暮
去一家

行色萬家情可恨黃鶯相識晚望斷湖邊亭上不聞聲

又

再次韻
送子瞻

張先

談辨纔疎堂上兵畫船齊岸暗潮平萬乘靴袍曾好問

須信文章傳口齒牙清 三百寺應遊未遍 算湖山

風物豈無情不獨渠丘歌叔度行路吳謠終日有餘聲

又

霽溪席上同會者六人楊元素侍讀劉孝叔吏部子瞻公擇二學士陳令舉賢良

張先

西閣名臣奉詔行南牀吏部錦衣榮中有瀛仙賓與主
相遇平津選首更神清 溪上玉樓同宴喜 醉 堤

葉惜秋英盡道賚人聚吳分試問也應中有老人星

玉聯環

張先

南園已恨歸來晚芳菲滿眼春工偏上好花多疑不向

空枝暖 惜恐紅雲易散叢叢看遍當時猶有藥如梅
問幾日上東風線

木蘭花

去春自湖歸枕憶南園花已開有當時猶有藥如梅之句今歲還憶南園花正盛復

爲此詞以寄意

張先

去年春人芳菲國青藥如梅終忍摘闌邊徒欲說相思
綠牘密織朱粉飾 歸來故苑重尋覓花滿舊枝心更
惜鴛鴦從小自相雙若不多情頭不白

又 和孫公素別安陸

張先

相離徒有相逢夢門外馬蹄塵已動怨歌留待醉時聽

遠目不堪空際送。今宵風月知誰共。聲咽琵琶槽上。
鳳人生無物比多情。江水不深山不重。

又 邠州
作

張先

青銅貼水萍無數。臨曉西湖春漲。雨泥新輕。雁面前飛。
風慢落花衣上住。紅裙空解烟蛾。雲月却隨馬。
去。明朝何處上高臺。回認玉峯山下路。

又 乙卯吳
典寒食

張先

龍頭舴艋吳兒競。筍柱鞦韆遊女並。芳洲拾翠暮忘歸。
秀野踏青來不定。行雲去後遙山暝。已放笙歌池院

靜中庭月色正清明無數楊花過無影

傾盃

吳典

張先

橫塘靜水花窺影孤城轉浮玉無塵五亭爭景盡橋對
起垂虹不斷愛溪上瓊樓凭雕闌久久飛雲遠人在虛
空月生滇海寒漁夜汎游鱗可辨 正是草長蘋老江

南地暖汀洲日晚更茶山已過清明風雨暴千岩啼鳥
怨芳菲故苑深紅盡綠葉陰濃青子枝頭滿使君莫放
尋春緩

離亭宴

公擇別
吳典

張先

捧黃封詔卷隨處是離亭別宴紅翠成輪歌未遍已恨
野橋風便此去濟南非久唯有鳳池鸞殿 三月花飛
幾片又減却芳菲過半千里恩深雲海淺民愛此春流
不斷更上玉樓西歸雁與征帆共遠

卜算子慢

張先

溪山別意烟樹去程日落採蘋春晚欲上征鞍更掩翠
簾回面相盼借鸞鸞淺黛長長眼奈畫閣歡遊也學狂
花亂絮輕散 水影橫池館對靜夜無人月高雲遠一
餉疑思兩淚痕還滿難遣恨私書又逐東風斷縱夢澤

層樓萬尺望湖城那見

憶秦娥

張先

參差竹吹斷相思曲情不足西北有樓窮遠目憶苕溪
寒影透清玉秋雁南飛速菰草綠應下溪頭沙上宿

繫裙腰

張先

澹澹霜淡照夜雲天朦朧影盡勾欄人情縱似長情月算
一年年又能得幾番圓欲寄西江題葉字流不到五
亭前東池始有荷新綠尚小如錢問何日藕幾時蓮

偷聲木蘭花

張先

魯居別乘康吳俗民到于今歌不足驪馭征鞭一去東
風十二年重來却擁諸侯騎寶帶垂魚金照地和氣融
人清霄千家日日春

歸朝歡

張先

聲轉轆轤聞露井曉引銀鉞牽素綆西園人語夜來風
叢英飄墜紅成徑寶猊烟未冷蓮臺香牋慙痕凝等身
金誰能得意買此好光景 粉落輕粧溫玉瑩月枕橫
釵雲墜領有情無物不雙栖文禽只合常交頸晝長歡
豈定爭如翻作春宵永日瞳隴嬌柔嬾起簾押捲花影

慶春澤

張先

飛閣危橋相倚人獨立東風滿衣輕絮還記憶江南如
今天氣正白蘋花遠堤漲流水寒梅落盡誰寄方春
意無窮青空千里愁草樹依依關城初閉對月黃昏角
聲傍烟起

漁家傲

和程公
闕贈別

張先

巴子城頭青草暮巴山重疊相逢處燕子占巢花脫樹
杯且舉瞿塘水濶舟難度天外吳門潯路君家正
在吳門住贈我柳枝情幾許春滿縷爲君將入江南去

來詞云折柳
贈君君且住

少年遊慢

張先

春城三二月禁柳飄綿未歇仙籞生香輕雲凝紫臨層
闕歌掌明珠滑酒臉紅霞發華省各高少年得意時節
畫刻三題徹梯漢同登蟾窟玉殿初宣銀袍齊脫生
仙骨花探都門曉馬躍芳衢濶宴罷東風鞭梢一行飛
雪

慶金枝

張先

山圍畫障風溪弄月清溶漾玉樓茗館人相望下若醲

醅競取金釵當。使君勸醉青娥唱。分明仙曲雲中響。
南園百卉千家賞。和氣兼不獨花枝上。

長相思

張先

蘋滿溪柳遠堤相送行人溪水西歸時。隴月低。烟霏
霏雨淒淒重倚朱門聽馬嘶。寒鴉相對啼。

于飛樂

張先

寶奩開菱鑑淨一掬清蟬新粧臉。旋學花添蜀紅衫雙
綉蝶裙縷鵝鵝尋思前事小屏風仍畫江南。○怎空教
疑勝草解宜男柔紫暗又過春。正陰晴天氣更暝色。

相兼幽期消息曲房西醉月篩簾

行香子

張先

舞雪歌雲閑淡粧勻藍溪水深染輕裙酒香醺臉粉色
生春更巧談話美情性好精神江空無畔凌波何處
月橋邊青柳朱門斷鐘殘角又送黃昏奈心中事眼中
淚意中人

虞美人

張先

荇花落盡汀風定荇水天搖影畫船羅綺滿溪春一曲
石城清響入高雲○壺觴昔歲同歌笑今日無年少南

園花少故人稀月照玉樓依舊似當時

胡搗練

晉上送
唐彥猷

張先

使君少醉離亭酒酒醒離愁轉有紫禁時虛右清霄留
難久一聲歌掩雙羅袖日落汀花春後猶有東城烟
柳青蔭長依舊

汎清苕

又名感皇恩正月十四
日與公擇吳興泛舟

張先

綠淨無痕過曉霽清苕鏡裏遊人紅粧巧綵船穩當筵
主秘館詞臣吳娃歡飲韓倡競艷客左右生春學爲行
雨傍盡漿從教水濺羅裙溪煙混月黃昏漸樓臺上

下火影星分飛檻倚斗牛近響簫鼓遠破重雲歸軒未
至千家待掩半粧翠箔朱門衣香拂面扶醉卸簪花滿
袖餘燼

惜瓊花

張先

汀蘋白荇水碧每逢花駐樂隨處歡席別時携手看春
色螢火而今飛破秋夕 河流如帶窄任輕似葉何計
歸得斷雲孤鷺青山極樓上徘徊無盡相憶

醉桃源

渭州作

張先

雙歌連袂近香猊歌隨鏤板齊分明珠索漱烟溪凝雲

定不飛 唇破點齒編犀春鶯莫亂啼陽關更在碧峯
西相看翠黛低

剪牡丹

舟中聞
雙琵琶

張先

野綠連空天青垂水素色溶漾都爭柳徑無人墜輕絮
無影汀洲日落人歸脩中薄袂擷香拾翠相競如解凌
波泊烟渚春暝 綵縉朱索新整宿繡屏盡般風定金
鳳響雙槽彈出今古幽思誰省玉盤大小亂珠迸酒上
粧面花艷媚相並重聽盡漢妃一曲江空月靜

滿庭芳

漁舟

張先

紅蓼花繁黃蘆葉亂夜深玉露初零
天濶雲淡楚江清獨棹孤蓬小艇
悠悠過煙渚沙汀金鈞細篳論
撥捲牽動一潭星時時橫短笛
清風皓月相與忘形任人笑
生涯泛梗飄萍飲罷不妨醉卧
塵勞事有耳誰聽江風靜日高
未起枕上酒微醒

青門引

懷舊

張先

乍暖還輕冷風雨晚來方定
庭軒寂寞近清明殘花中
酒又是去年病樓頭畫角
風吹醒入夜重門靜那堪
更被明月隔牆送過鞦韆影

碧牡丹

戲宴公出侍兒

張先

步帳搖紅綺，曉月墮沉煙，初緩板香檀，唱徹伊家新製。
恁人眉頭，歛黛峯橫翠，芭蕉寒雨聲碎。鏡華翳，開照
微鸞戲。思量去時容易，鈿盒瑤釵，至今冷落，輕弃望極。
蘭橋空暮雲千里，幾重山，幾重水。

定風波

蘇軾

余昔與張子野劉孝叔李公擇陳令舉楊元素會于
吳興，時子野作六客詞，其卒章，蓋道賢人聚吳分賦
問也。應旁有老人星，凡二十五年，再過吳興，而五人

者皆已亡矣時張仲謀與曹子方劉景文蘇伯固張
秉道爲坐客仲謀請作後六容詞

月滿蒼溪照夜堂五星一老闌光芒十五年間眞夢裡
何事長庚對月獨淒涼綠鬢蒼顏同一醉還是六人

吟笑水雲鄉賓主談鋒誰得似看取曹劉今對兩蘇張

南歌子 湖州作

蘇軾

山雨瀟瀟過溪橋瀏瀏清小園幽榭枕蘋汀門外月華
如水綵舟橫 茗岸霜花盡江湖雪陣平雨山遙指海
門青回首水雲何處覓孤城

何滿子

湖州作

蘇軾

見說岷峨悽愴旋聞江漢澄清但覺秋來歸夢好西南
自有長城東府三人最少西山八國初平 莫負花溪
縱賞何妨藥市微行試問當壚人在否空教是處聞名
唱着子淵新曲應須分外含情

陽關曲

李公擇

蘇軾

濟南春好雪初晴纔到龍山馬足輕使君莫忘雪溪女
還作陽關腸斷聲

減字木蘭花

選吳興李公擇生子三日會客作此詞戲之

蘇軾

惟熊佳夢釋氏老君曾抱送壯氣橫秋未滿三朝已食
牛犀錢玉果利市平分沾四座多謝無功此事如何
到得饑

南鄉子

席上勸李公擇酒

蘇軾

不到謝公臺明月清風好在哉舊日髯孫何處去重來
短衣風流更上才秋色漸摧頽滿院黃英映酒盃看
取蒼花春二月爭開盡是劉郎去後栽

清溪沙

公守湖辛未上元一作會於伽藍中時長老法惠在坐人有獻剪伽花綵甚奇謂有

初春興曰作浣溪

沙二首寄袁公濟

蘇軾

雪領霜髯不自驚更將剪綵添春榮羞顏未醉已先頰
莫唱黃鸝并白髮且呼張友喚殷兄有人歸去欲卿

卿

又和前韻

料峭東風翠幕驚云何不飲對公榮水精盤瑩玉鱗頰
花影莫辜三夜月朱顏未稱五年兄翰林子墨三人
卿

雙荷葉

卽秦樓月按賈叔老有婢號雙荷葉此詞豈贈叔老者乎

蘇軾

雙溪月清光偏照雙荷葉雙荷葉紅心未偶綠衣偷結

背風迎雨淚珠滑輕舟短棹先秋折先秋折煙鬟木
上玉杯微缺

江城子

湖上與張
先同賦

蘇軾

鳳凰山下雨初晴水風清晚霞明一朶芙蓉開過尚盈
盈何處飛來雙白鷺如有意慕娉婷忽聞江上弄哀
箏苦含情遣誰聽煙斂雲收依約是湘靈欲待曲終尋
問取人不見數峰青

千秋歲

湖州暫來徐
州重陽作

蘇軾

淡霜侵綠髮少仍新沐冠直縫巾橫幅美人憐我老玉

手簪黃菊秋露重真珠落袖沾餘馥
座上人如玉花
映花奴肉蜂蝶亂飛相逐明年人縱健此會應難復須
細看晚來月上和銀燭

蝶戀花

過漣水贈
趙晦之

蘇軾

自古漣漪佳絕地遶郭荷花欲把吳興比倦客塵埃何
處洗真君堂下寒泉水
左海門前酤酒市夜半潮來
月下孤舟起傾蓋相逢攘一醉雙鳧飛去人千里

浣溪沙

漁父

蘇軾

西塞山邊白鷺飛散花州外片帆微桃花流水鱖魚肥

自庇一身青箬笠相隨到處綠蓑衣斜風細雨不須歸

浣溪沙

擬張志和漁父詞

黃庭堅

新婦磯頭眉黛愁女兒浦口眼波秋驚魚錯認月沈鉤
青箬笠前無限事綠蓑衣底一時休斜風細雨轉船

頭

顧况漁父詞新婦磯邊月明女兒浦口潮平沙頭鷺宿魚驚

鷓鴣天

有序

黃庭堅

表弟季如箴云玄真子漁父詞以鷓鴣天歌之極入律但少數句耳因以玄真子遺事足之憲宗時畫玄

真子像訪之江湖不可得因令集其歌詩上之玄真
之兄松齡懼玄真放浪而不返也和答其漁父詞云
樂在風波釣是閑草堂松桂已勝攀太湖水洞庭山
狂風浪起且須還此余續成之意也

西塞山邊白鷺飛桃花流水鱖魚肥朝廷尚覓玄真子
何處如今更有詩 青箬笠綠蓑衣斜風細雨不須歸
人間底事風波險一日風波十二時

徐師川因坡谷異同作浣溪沙云西塞山前白鷺飛
桃花流水鱖魚肥一波才動萬波隨黃帽豈如青箬

笠羊裘何似綠蓑衣斜風細雨不須歸又新婦磯邊

秋月明女兒浦口晚潮平沙頭鷺宿菰魚驚青鷺笠

前明此事綠蓑衣裏度平生斜風細雨小舟輕鷗鴦

天云西塞山前白鷺飛桃花流水鱖魚肥朝廷若覓

玄真子晴在長江理釣絲青篛笠綠蓑衣斜風細雨

不須歸浮雲萬里烟波客惟有滄浪孺子知又七澤

三湖碧草連洞庭江漢水如天朝廷若覓玄真子不

在雲邊則酒邊明月棹夕陽船鱸魚恰似鏡中懸絲

綸釣餌都收却八字山前聽雨眠吳魯能改

齊漫錄

漁家傲

春

朱服

小雨廉纖風細細萬家楊柳青烟裏戀樹濕花飛不起
愁無比和春付與西流水九十光陰能有幾金龜解
盡留無計寄語東城沽酒市揀一醉而今樂事他年淚

調笑令

樂昌公主

秦觀

聲路江楓古樓上吹簫人在否菱花半壁香塵汙往日
繁華何處舊歡新愛誰爲主啼笑兩難分付

憶王孫

漁父

釋淨端

斗轉星移天漸曉
驀然聽得鶉鶉叫
山寺鐘聲人浩浩

木魚噪渡船過岸行官道
輕舟再奔長江討重添香
餌爲釣釣釣得錦鱗船裏跳
呵呵嘆思量天下漁家好
又

浪靜西溪澄似練片帆高挂
乘風便始向波心通一線
羣魚現當頭誰敢先吞嚥
閃爍錦鱗如閃電靈炁今
古應無變愛是憎非都已遣
回頭轉一輪明月升蒼弁

又讚淨
土

釋淨端

七寶池中堪下釣八功德水
煙波渺池底金沙齊布了
羨魚鳥週迴旋遶爲堦道
白鶴孔雀鸚鵡噪彌陀接

引毫光翼不是修行何得到一般好西方淨土無煩惱

又

一隻孤舟巡海岸盤陀石上垂釣線釣得錦鱗鮮又健
堪愛羨龍王見了將珠換釣罷歸來蓮苑看滿堂盡
是真羅漢便蕪名香三五片焚香獻元來佛不奪衆生
願

浣溪沙

仲冬朔日獨步花塢中
晚酌蕭然見櫻桃有花

毛滂

小圃韶光不待邀早通消耗與含桃晚來芳意半寒梢
含笑不言春淡淡試妝未徧雨蕭蕭東家小女可憐

嬌

又

寒食初晴
東堂對酒

小雨初收蝶做團和風輕拂燕泥乾
鞦韆院落落花寒
莫對清尊追往事更催新火續餘歡
一春心緒倚闌干

又

八月十八
夜東堂作

晚色寒清入四簷梧桐冷碧到疎簾
小花未了燭花偏
瑤甕字堆春這裏錦屏屈曲夢誰邊
薰籠香暝橐衣添

又

武康社日

三首

碧戶朱窻小洞房玉醅新壓嫩鶯黃半清橙子可憐香
風露滿簾清似水笙簫一片醉爲鄉芙蓉繡冷夜初
長

松菊秋來好在無寄聲猿鶴莫情踈淵明不老人踟躕
打鼓楓林誰作社枕溪茆屋憶吾廬去年醉倒倩人
扶

本是青門學灌園生涯渾在亂山前一犁春雨種瓜田
別後倩雲遮鶴帳來時和月寄漁船傍人莫作長官

看

又

泊望仙橋月
夜舟中留客

晚色輕涼入画船
雲峯飛盡玉爲天
踈颺自爲月
褰簾細酌流霞君
且住更深風月更清妍
爲誰淒斷小橋邊

又

泛舟還
餘英館

煙柳風蒲冉冉斜
小窻不用著簾遮
載將山影轉灣沙
略約斷時分岸色
蜻蜒立處過汀花
此情此水共天涯

清平樂

東堂月夕小酌時寒
秀亭下娑羅花盛開

毛滂

雲峯秀疊露冷琉璃葉北畔娑羅花弄雪香度小橋淡
月與君踏月尋花玉人雙捧流霞吸盡盃中花月仙
風相送還家

又

送賈耘老盛德常還郡時飲
官酒於東堂二君許復過此

杏花時候庭下雙梅瘦天上流霞凝碧袖起舞與君爲
壽兩橋風月同來東堂且沒塵埃煙艇何時重理更
憑風月相催

踏莎行

正月五日定
空寺觀柳

毛滂

景泮冰簷情回瑶草剛能守得春來到管曾獨自索春
憐而今覩著東風笑粉凝酥寒雲房睡覺臙脂也不
添些小天真要與此花爭是伊占得春多少

玉樓春

戊寅重陽病中不飲惟煎
小雲團一盃薦以菊花

毛滂

西風吹冷沉香篆門掩小窗紅葉院臥看黃菊送重陽
露重煙寒花未徧衰翁病怯琉璃簾日日愁侵霜鬢
短一盃菊葉小雲團滿眼蕭蕭松竹晚

又定空寺
賞梅

葢珠宮裏三千女滴粉爲春塵不住月華冷處欲迎人

七里香風生滿路 一枝誰寄長安去
想得韶光能幾許 醉翁滿眼玉玲瓏
直到煙空雲盡處

山花子

吳興僧舍竹下
與王明之飲

毛滂

雨色留香繞坐中 映階疎竹一叢叢
不奈晚來蕭瑟意 子猷風 激灩滿傾
金鑿落淋漓 從涇繡芙蓉吸盡百川
天上去看長虹

南歌子

正月二十八日
定空寺賞梅

毛滂

莫靄寒依樹 嬌雲冷傍人
江南誰寄一枝春 何似龍臙
十里更無塵 雨萼胭脂淡
香鬢蝶子輕 碧山歸路小

橋橫誰見暗香今夜月朧明

又

東堂小酌
賦秋月

庭下新生月憑君把酒看不須直待素團圓恰似那人
眉樣秀彎環冷射鴛鴦瓦清欺翡翠簾數枝煙竹小
橋寒漸見風吹踈影過關干

減字木闌花

留質
耘老

毛滂

曾教風月催促花邊煙棹發不管花開月白風清始肯
來既來且住風月間尋秋好處收取婁清暝日關干

助夢吟

耘老夢中
嘗作詩

蝶戀花

戊寅秋寒
秀亭觀梅

毛滂

相見江南情不少爾許多時怪得無消耗
淡日暝雲勾引到闌干寂寞
伶春小宮面可憐
勾画了粉瘦酥寒
一段天真好喚起玉兒嬌
睡覺半山殘月南枝曉

又 東堂下牡丹僕所
栽者清明後見花

三疊闌干鋪碧氈
小雨新晴纔過清明後
初見花王披
袞繡嬌雲瑞日明
春晝彩女朝眞天質秀
寶髻微偏
風捲霞衣皺
莫道東君情最厚
韶光半在東堂手

西江月

次韵孫使君賞花見
寄時僕武康待次

毛滂

花下春藏五馬松間風落雙鳧兵厨玉帳捲鄴湖人醉
碧雲欲暮歸去聊登文石翱翔便是天衢雅歌誰解
繼投壺桃李無言滿路

又縣圃
小酌

煙雨半藏楊柳風光初到桃花玉人細細酌流霞醉裏
將春留下柳畔鴛鴦作伴花邊蝴蝶爲家醉翁醉裏
也隨他月在柳橋花榭

雨中花武康秋
雨池上

毛滂

池上小寒欲霧竹暗小窓低戶數點秋聲來侵短夢簷

下芭蕉雨 白酒浮蛆鷄啄黍問陶令幾時歸去溪月
嶺雲蘋汀蓼岸總是思量處

菩薩蠻

定空寺
賞梅

毛滂

含章簷下眉如月 攏酥和粉描暎雪 桃杏莫爭春 凌風
臺畔人 如今千萬樹 零亂孤村雨 和雨滴瑤觴 歸來
肌骨香

漁家傲

戊寅冬以病告臥潛玉時時策杖寒秀亭下作漁家傲三首

毛滂

年少莫尋潛玉老 無才無藝煩君笑 暎過茱萸霜日曉
休起早竹間盡日無人到 別逕小峯孤碧峭 曲溝淺

凌寒清遠此老相看情不少
渾忘了渾然忘了長安道
其二

恰則小菴貪睡著不知風撼梅花落
一點兒春吹去却
香約略黃蜂猶抱紅酥萼
遠遍寒枝添索寞却穿竹
徑隨孤鶴守定微官真箇錯
從今莫從今莫負雲山約

其三

鬢底青春留不住功名薄似風前絮
何似甕頭春沒數
都占取秣消一紙長門賦
寒日半窓桑柘暮倚闌目
送繁雲去却欲載書尋舊路
煙深處杏花菖葉耕春雨

驀山溪

武康東
堂作

毛滂

東堂先曉簾挂扶桑暝画舫寄江湖倚小樓心隨望遠
水邊竹畔石瘦蘚花寒秀陰遮潛玉夢鶴下漁磯晚
藏花小塢蝶徑深深見彩筆賦陽春看藻思颺颺雲半
煙拖山翠和月冷西窓玻璃盞蒲萄酒旋落醅釀片

夜遊宮

僕養一鶴逸去因問時以屬鄰德僑家今
縣齋新作賜春亭旁見近山數峯因德僑

歸以此語鶴便知僕
於此不落實也

毛滂

長記勞君送遠柳煙重桃花波暝花外溪城望不見古
槐邊故人稀秋鬢晚 我有凌霄伴在何處山寒雲亂

何不隨君弄清淺見伊時話陽春山數點

夜行船

餘英谿
泥舟

毛滂

弄水餘英谿畔綺羅香日遲風慢桃花春浸一篙深画
橋東柳低煙遠漲綠流紅空滿眼倚蘭橈舊愁無限
莫把鴛鴦驚飛去要歌時少低檀板

憶秦娥

冬夜宴
東堂

毛滂

醉醉醉擊珊瑚碎花花先借春光與酒家
夜寒我醉誰扶我應抱瑤琴臥清清攬月吟風不用人

調笑令

詠牡牧之
茗子事

毛滂

芳草恨春老自是尋春來不早
落花風起紅多少記得
一枝春小綠陰青子空相惱
此恨平生懷抱

花心動

賦梅

劉 燾

偏憶江梅有塵表手儀世外標
格低傍小橋斜出踈籬
似向隴頭曾識暗香孤韻
冰霜裏初不怕春寒要勒問
桃李盈門怎生向前爭得
省共蕭娘去摘玉纖映瓊
枝照人一色淡粉暈酥多少
工夫到得壽陽官額再三
留待東君管都將別花不惜
但只恐高樓又三弄笛

水調歌頭

九月望曾與客習射
西園余病不能射

葉夢得

霜降碧天靜秋事促西風寒聲隱地初聽中夜入梧桐
起瞰高城回望寥落關河千里一階與君同疊鼓開清
吭飛騎引雕弓歲將晚客爭笑問衰翁一生豪氣安
在走馬爲誰雄何似當筵虎士揮手絃聲響處雙雁落
遙空老矣真堪愧回首望雲中

又
癸丑
中秋

河漢只平野香霧捲西風倚空千嶺橫起銀闕正當中
常恨年年此夜醉倒歌呼誰和何事與君同莫恨歲華
說容易感梧桐攬清影君試與問天公遙知玉斧初

斷重到廣寒宮付與孤光千里不遣微雲點綴爲我洗
長空老去狂猶在應未笑衰翁

八聲甘州

正月二日作是歲閏
正月十四日纔立春

葉夢得

又新正過了問東風消息幾時來笑春工多思留連底
事猶未轉回應爲瑤刀裁剪容易惜花開試向湖邊望
幾處寒梅 好是綠莎新徑剗安排芳意特地重裁便
從今追賞莫遣暫停盃有千株深紅淺白倩緩歌急管
待相催憑看取暝煙細靄先到高臺

又

問浮家泛宅自玄真去後有誰來漫煙波千頃雲峯俯
影空翠成堆可是溪山無主佳處且徘徊莫雨急晴野
落照天開 老去餘生江海伴逖公香火猶有宗雷便
何妨元亮攜酒閒相陪寄清談芒屨筇杖更盡馳風月
入尊壘江村路我歌君和莫禔魁回

又

甲辰京詔知止亭初
畢工劉無言相過

寄知還倦鳥對飛雲無心雨難齊漫飄然欲去悠然且
止依舊山西十畝荒園未遍趁雨却鋤犁敢忘鄰翁約
有酒同攜 况是岩前新建帶小軒橫絕松桂成蹊試

憑高東望雲海與天低
送滄波浮空千里照斷霞
明滅卷晴霓
君休笑此生心事老更沉迷

定風波

與韓譽才卿步西園始見青梅

葉夢得

破萼初驚一點紅
又看青子映簾櫳
水雪肌膚誰復見
青淺尚餘疎影照晴空
惆悵年年桃李伴
驛斷祇應芳信負
東風待得微黃春
亦莫煙雨半和飛絮作濛濛

又

千步長虹跨碧流
兩山浮影轉螭頭
付與詩人都總領
風景更逢仙客下瀛洲
嫋嫋涼風吹汗漫
平嶂遙空

新卷絳河收却怪姮娥真好事須記探支明月作中秋

又

斜漢初看素月流坐驚金餅出雲頭華髮蕭然吹素領
光景何妨分付屬滄洲莫待霜花颺爛熳蘋岸更憑
佳句盡拘收解與破除消萬事猶記一尊同得二年秋

此魯卿見
和復舍之

江城子

次韵葛魯卿
卿上元

葉夢得

甘泉祠殿漢離宮五雲中渺難窮永漏通宵壺矢轉金
銅曾從鈞天知帝所孤鶴老寄遼東強扶衰病步龍

鍾雪花濛打窗風一點青燈惆悵伴南宮唯有使君同
此恨丹鳳圖水雲重

浣溪沙

意在亭

葉夢得

休笑山翁不住山二年偷向此中間歸來贏得鬢毛斑
甕底新醅供醑酌城頭曲檻俯淙潺山翁元在此山
間

又

與吾弟酌別
帶上韻次

千古風流詠白蘋二年歌笑擁朱輪翩翩却憶上林春
劔履便應陪北闕袴襦那更假西人玉堂金殿要詞

臣

臨江仙

次葛魯卿法華山曲水勸酒

葉夢得

山半飛泉鳴玉珮回波倒卷鄰鄰醉
中聯羅十年應青山應却怪此段久無人
行樂應須賀太守風光過眼
逡巡不辭常作坐中賓只愁花解笑
衰鬢不宜春

又

西園右春亭新成

手種千株桃李樹參差半已成
陰主人何事馬駸駸二年江海路
空負種花心試向中間安小檻
此還長要追尋却驚搖落動悲吟
春歸知早晚爲我變層林

點絳脣

晚出山榭春初梳鬢側近復生紫芝十一本

葉夢得

高柳蕭蕭睡餘已覺西風勁小窓人靜浙瀝生秋聽

底事多情欲與流年競殘雲暝墜巾慵整獨立芝蘭徑

又

丙辰八月二十七日
雨中與何彥亨小飲

山上飛泉漫流水下知何處亂雲無數留得幽人住

深閉柴門聽盡空簷雨秋還莫小怨低戶唯有寒蛩語

鷓鴣天

與幹興
賞梅

葉夢得

不怕微霜點玉肌恨無流水照冰姿與君著意從頭看
初見今年第一枝人醉後雪消時江南春色寄來遲

使君盡是花前客莫怪慙慙爲賦詩

又次韵魯卿大
錢觀太湖

蘭蒨空悲楚容秋旌旗誰見使君遊
凌雲不隔三山路
破浪聊憑萬里舟
公欲去尚能留
盃行到手未宜休
新詩無物堪倫比
願探珊瑚出瑤鈎

又與魯卿晚雨泛舟出
西郭用煙波定韻

天末殘霞卷莫紅
波間時見沒兒翁
斜風細雨家何在
老矣生涯盡個中
惟此意與公同
未須持酒祝牛宮
傍人不解青篋意
猶說黃金寶帶重

雨中花慢

寒食前一日小雨牡丹已將開與客置酒座中戲作

葉夢得

痛飲狂歌百計強留風光無奈春去也應知相賞未忍
相違卷地風驚爭催春暮雨頓回寒威對黃昏蕭瑟水
膚洗盡猶覆霞衣多情斷了爲花狂惱故飄萬點霏
微低粉面粧臺酒散淚顆頻揮可是盈盈有意祇應真
惜分飛拚令吹盡明朝酒醒忍對紅稀

南鄉子

池亭新成晚步

葉夢得

淺碧蘸鱗鱗照眼全無一點塵百草千花都過了初新
翠竹高槐不占春歌嘯墮綸巾午醉醒來尚欠伸待

得月明歸去也青蘋更有涼風解送人

又

癸卯種梅於西巖地瘦難生石間無花
今歲十一月輒先開數枝予而爲賦

山畔小池臺曾記幽人著意栽
亂石叅差春至晚徘徊
素景衝寒却自開絕絕照瓊瑰
孤負芳心巧剪裁
應恐練裙驚縞夜殘盃
且放疎枝待我來

卜算子

竝澗頃種木芙蓉九月且盛開

葉夢得

曉雨洗新粧
豔豔驚衰眼
不趁東風取
次開
待得清霜晚
曲港照回流
影亂微波淺
作態低昂好
自持水濶煙波遠

南歌子

是日微雨過午而霽晚
送月出次劉無言韻

葉夢得

雨憎山容歛雲矜棹影開
忽看霽色射林隈
爲問明亭清影爲誰來
盡洗歸時路重領醉後盃
未應霜雪遽相催
留得佳期猶在共徘徊

採桑子

冬五日與許幹舉章幾道飯
續善晚歸雪作因留小飲

葉夢得

山蹊小路歸來晚
莫雪繽紛尊酒慙
勤邂逅相從只有君
全家住處無人到
元在重雲此景誰分
萬玉參差更作群

西江月

風情

葛勝仲

鞞鞞斜紅帶，柳琉璃漲綠。平橋人間風月正，新妖不數。
江南蘇小，恨寄飛花，款款情隨流水。迢迢鯉魚風送，
木蘭桡迴棹，荒鷄報曉。

驀山蹊

詠天穿節郊射

葛勝仲

春風野外，卯色天如水。魚戲舞綃紋，似出聽新聲。北里
追風駿足，千騎卷高門。一箭過萬人，呼燕落寒空裡。
天穿過了，此日各穿地。橫石俯清波，競追隨新年樂事。
誰憐老子，使得縱遨遊。爭捧手共，憑肩夾路遊人醉。

浣溪沙

和鄭慶夔雪中作

沈與求

雪幕垂垂不掩關，落鴻孤沒，無間雪花欺鬢。一年殘。
欲把小梅還闋，雪冷香嫌，怕亂沈檀惱人歸夢。繞江
干。

江城子

葛使君示書有元人寒廳孤坐之歎昨日
石林寄示所和長短句輒亦次韻和呈因

以自見窮
哀之態

沈與求

華燈高宴水精宮，浪花中，意無窮。十載江湖，重綰漢符
銅。應有青藜存往事，人縹緲，佩丁東。卧聽蕭寺響疎
鐘。渡谿風，轉空濛。月上孤惚鄰，唱有漁翁。追念使君清
坐久，歌一發，恨千重。

又

和葉左丞石林

魚龍戲舞近幽宮
亂山中似途窮
綠野堂深門敞
獸鋪銅無限
青瑤攢峭壁
花木老映西東
消磨萬事酒千鍾
一襟風鬢霜濛
憂國平生堪笑
已成翁
唯有經緯心事
在承密詔看重重

感皇恩

丐祠居射村作

胡舜陟

乞得夢中身
歸棲雲水
始覺精神自家底
峭帆輕棹時
與白鷗遊戲
畏途都不管
風波起
光景如梭
人生浮靡百歲何妨
盡沉醉臥龍多事
漫說三分奇
計算來爭

似我長昏睡

衢按此詞載漁隱叢話花菴黃氏卽以爲漁隱誤

漁家傲

胡舜陟

幾日北風江海立千車萬馬塵聲急短棹峭寒欺酒力
飛雨息瓊花細細穿窓隙我今綠篔簹笠浮家泛
宅烟波逸渚鷺沙鷗都舊識行來時此字疑高歌與爾相
尋覓

小重山

紅蓼汀
憶別

汪藻

月下潮生紅蓼汀殘霞都斂盡四山青柳稍風急墮流

螢隨波去點點亂寒星
別語記丁寧如今能間隔幾
長亭夜來秋氣入銀屏
梧桐雨還恨不同聽

郡城有紅
蓼汀故云

虞美人

陳與義

子於甲寅歲自春官出守湖州秋杪見道中荷花無
復存者乙卯歲自瓊閣以病得請奉祠卜居青墩鎮
立秋後三日登舟之前後如朝霞相映望之不斷也
以長短句記之

扁舟三日秋塘路平度荷花去病夫因病得來遊更值
滿川微雨洗新秋
去年長恨拏舟晚空見殘荷滿今

年何以報君恩一路繁花相送到青墩

夜行船

劉一止

十頃疎梅開半就折芳條嫩香滿袖今度何郎樽前疑
悴花共那人俱瘦測測輕寒吹散酒高城近怕聽更
漏滴潛溪橋月明風露長是人歸後

念奴嬌

中秋後一日
泊舟城外

劉一止

水涵秋露望汀蘋千頃銀光如鏡霜鏡無痕清夜久唯
有驚魚跳出月在杯中我疑天賜歡飲仍如璧姮娥應
爲後期償賽今夕遙想當日同盟山齋孤諷有新詩

相憶聚散難常空悵望萍梗飄流蹤跡明日明年此身
此夜知與誰同惜參橫河側短蓬清露時滴

虞美人

族兒無
言赴召

劉一止

浪花雪月交加舞身近清真路天知此客解騎鯨今夜
一江明月送人行從今直上鼇峯去應記經行處莫
將險語亂江聲却怕月中高高彩虹驚

江城子

王元渤舍人將赴吉州因以戲
之元渤白洋山陽人寓德清

劉一止

秋香岩下著樽壘小徘徊莫停杯來歲花時相雨悠
哉看取脩眉縈度曲真箇淚界香腮船頭繫鼓片帆

開曉風催首應回景物撩人詩思不勝裁會有江山淒
惋句憑過雁寄儂來

臨江仙

和王元
渤韻

劉一止

落日西風原上好笛聲誰奏伊涼緩尋山徑掇幽芳平
生真自許江海老潛郎最愛杯中浮蟻鬧鵝兒破殼
嬌黃使君醉裡是家鄉更追脩禊帖一詠一傳觴

驀山溪

葉左丞
生日

劉一止

卿雲衍苒翠壁天開就榭下小方壺照初日嘉林濯秀
君恩暫許丘壑憇夔龍開徑竹續岩花小試丹青手

聲名德業漢代誰居右紅旆碧油幢想今古山中未有
霜松手種應待茯苓生齋釀熟玉泉香還上萱堂壽

夢橫塘

劉一止

浪痕經雨髮影吹寒曉來無限蕭瑟野色分橋剪不斷
溪山風物船繫朱藤路迷煙寺遠鷗浮沒聽疎鐘斷鼓
似近還遙驚心事傷羈客新醅旋壓鵝黃拚清愁在
眼酒病縈骨綉閣嬌慵爭鮮說短封傳憶念誰伴塗妝
縮髻嚼蘂吹花弄秋色恨對南雲此時妻斷有何人知
得

水調歌頭

劉一止

縹緲清溪畔，山翠欲黏天。縱雲臺上攬風，招月自何年。
新舊今逢二妙人，地一時清絕。高並兩峯寒，歌在烟霏
外。人在去留間。著方床，容老子，醉時眠。一樽相屬，高
會何意，此時圓。况是古今難遇，人月花竹俱妙，曾見句
中傳。不向今宵醉，忍負四嬋娟。

木蘭花

餞別王元
渤赴吉州

劉一止

桂香臺上秋風，鵲綠溪前離思渺。一卮芳醕，細深傾
聽盡，陽關須醉倒。政成早晚，傳溫詔，莫戀江城歌吹。

繞明年身到鳳池邊重看春波生故沼

浣溪沙

劉一止

午夜明蟾冷浸溪姐娥應有辟寒犀桂岩仍在曲闌西
掛蘇琴餘情未已經丘尋壑相招携不應癡馬惜郵
泥

點絳脣二首

和王元渤
舍人見貽

劉一止

歲月飄流故人相望如箕斗畔愁千首詩思能清瘦
昔日鴟絃同看春風手君知否袖痕別後猶有臨岐酒

又

山邑新涼夜堂爽氣侵南斗爲誰曠首月冷冰娥瘦
八萬二千雕琢瑋瑤手君知否待君歸後雙照杯中酒

喜遷鶯

劉一止

曉光催角聽宿鳥未驚鄰鷄先覺迤邐烟村馬嘶人起
殘月尚穿林薄淚痕帶霜微紅酒力衝寒猶弱歎倦客
銷不禁重染風塵京洛 追念人別後心事萬重難覓
孤鴻託翠幌嬌深曲屏香煖爭念歲寒飄泊怨月恨花
煩惱不是不曾經著這情味望一成消減新來還惡

踏莎行

劉一止

淡月精神疎梅風韻扮香融臉蘸脂潤袖痕猶帶玉虬
烟六朝窄樣裁宮錦眉黛分愁眼波傳信酒闌盡燭
交紅影有期無定却嗔人索強我早諧伊性

鵲橋仙

劉一止

春風真箇取將花去酬我清陰滿院名園清晝漏籤遲
未肯負酒朋歌侶疑是伴使君情在暮雲合處臥看碧

峯我并向來魂夢幾曾真休怨斷樓高不見

滿江紅

胡仔

泛宅浮家何處好苕溪清境占

此字上闕二字

雲山萬疊煙波

千匝茶籠筆牀渾不用雪
裝月箔偏相稱爭不教二紀
賦歸來甘幽屏
紅塵事誰能省青霞志方高引任家
風解艇生涯苓箸三尺鱸魚真好贍一瓢春酒宜閑飲
問此時懷抱向誰論惟箕穎

水龍吟

以李長吉美人梳頭歌填

胡仔

夢寒鮑帳春風曉
檀枕半填香髻
轆轤初轉欄干鳴玉
啞啞驚起眠鴨
疑煙舞鸞翻鏡影
開秋水解低鬟
試整
牙牀對立香絲亂雲撒地
纖手犀梳落處
膩無聲重
盤鴉翠蘭膏勻漬冷光欲溜
鸞釵易墜年少偏嬌
髻多

無力惱人風味。理雲裾下階含羞不語。折花枝戲。

鵲橋仙

留別

劉光祖

寓公

相逢一笑又成相避。南雁歸時霜透明。朝人在短亭西。
看舞袖雙雙行酒。歌聲此處秋聲何處。幾度亂愁搔
首。如何不寄一行書。有萬緒千端別後。

臨江仙

自詠

劉光祖

我似萬山千里外。悠然一片歸雲。官銜猶自帶云云。誰
知於進士。已是故將軍。閑坐閑行閑飲酒。閑拈閑字。
閑文。諸公留我笑紛紛。一枝簪寶髻。六幅舞羅裙。

踏莎行

春暮

劉光祖

掃徑花零閉門春晚恨長無奈東風短起來消息探茶
蘼雪條玉蘂都開遍 晚月覓清夕陽香遠故山別後
誰拘管多情於此更情多一枝嗅罷還重撚

醉落魄

春日懷
故山

劉光祖

春風開者一時還共春風謝柳條送我今槐夏不飲香
醪孤負人生也 曲塘泉細幽琴寫胡床滑簟應無價
日遲睡起簾鉤挂何不歸歟花竹秀而野

鷓鴣天

送田簿秩
滿還雲川

侯寘

只有梅花是故人，歲寒情分更親。
紅鸞跨碧江頭路，紫府分香月下身。
君既去，我離群。天涯白髮怕逢春。
西湖蒼莽烟波裏，來歲梅時痛憶君。

蘇武慢

湖州趙守席上作

侯寘

暗雨收梅晴波搖，柳萬頃水晶宮。
冷橋森畫棟，列紅樓兩岸翠簾交。
映天上行舟鑑中，開戶人在蘂珠仙境。
况吟烟嘯月，彈絲吹竹，太平歌詠。
人盡說銅虎分賢，銀潢儲秀，鞏固行都藩屏。
棠陰散暑，鼎篆凝香水月，一庭虛靜。
紅袖持觴，採牋揮翰，適意酒豪詩俊。
看飛雲丹

詔行沙金勒待公歸覲

訴衷情

登箭孤臺與施德初同讀坡詩作

康與之

鬱孤臺上立多時
煙晚暮雲低
山川城郭良是回首昔
人非
今古事祇堪悲
此心知一樽芳酒慷慨悲歌月
墮人歸

念奴嬌

次韻施德初席上

毛 升

麗譙春晚望東南
千里湖山佳色盡
戟門前清似水時
節初過燈夕封井
年登京華日近
每報平安驛滿城花
柳正須千騎尋覓
憶我年少追遊
叨恩園客右多慙

英識今日懷人無限意
老淚尊前重滴賦詠空傳雄豪
誰在鬢點吳霜白招呼一醉幸公時慰愁寂

水調歌頭

送周元持

毛 升

漢代李元禮江右管夷吾英姿雅望凜凜玉立冠中都
礪砮胸中千丈不肯低回青禁引去臥江湖更學鴟夷
子一舸下東吳送公別盃酒盡少躊躇舊棠陰下幾
人臨路擁行車歸近雲天尺五夢想經綸賢業談笑取
單于爲問茗溪水留得此翁無

滿江紅

送施德初

毛 升

東馬嚴徐名籍甚西京人物誰不羨伏蒲忠鯁演綸詞
筆雅意中朝今小試二年東郡弦風跡數中興循吏兩
三人公居一 溫詔趣還丹闕何容相方前席看雲臺
登踐論思密勿超覽堂中遺愛在幾人同戀津亭別顧
倦游雲路僕登仙心如失

江城子

和德初燈夕詞
次樂石林韻

毛 升

神仙樓觀梵王宮月當中望難窮坐聽三通譙鼓報籠
銅還憶當年京輦舊車馬會五門東 華堂歌舞間生
鐘夕香濛度花風翠袖傳盃爭勸紫髯翁歸去不堪春

夢斷煙雨曉亂山重

點絳脣

丁亥九月巳丑赴池陽太守趙富文
招飲坐中見梅花賦為妓曹吟

周必大

踏白江梅大都玉斲酥凝就雨肥霜逗凝騃闌房秀

莫待冬深雪壓風欺後君知否却嫌伊瘦又怕伊儻慙

又

七夜趙富文出
家姬小瓊再賦

周必大

秋夜乘槎客星容到天孫渚眼波微注將謂牽牛渡

見了還非重理霓裳舞雖無悞幾年一遇莫訝周郎顧

長相思

冬杪

吳淑姬

烟霏霏雨霏霏雪白梅花枝上堆春從何處回 醉眼
開睡眼開疎影橫斜安在哉從教寒管催

惜分飛

送別

吳淑姬

岸柳依依拖金縷是我朝來別處惟有多情絮故來衣
上驚人住 兩眼啼紅空彈與未見桃花又去一片征
帆舉斷腸遙指君溪路

小重山

春愁

吳淑姬

謝了荼蘼春事水無多花片子綴枝頭庭槐影碎被風
揉鶯雖老聲尚帶嬌羞 獨自倚粧樓一川烟草浪觀

雲浮不如歸去下簾鉤
心兒小難着許多愁

祝英臺近

吳淑姬

粉痕銷音信斷好夢又無據
病酒無聊欹枕聽寒雨斷
腸曲曲屏山溫溫沉水盡是舊看承人處
久離阻誰念一點芳心閒愁知幾許
偷照菱花清瘦自羞覩可堪
梅子黃時楊花飛盡亂鶯鬧催春歸去

琵琶仙

吳興感遇

姜夔

雙槳來時有人似舊曲桃根
桃葉歌扇輕約飛花蛾眉
正奇絕春漸遠汀洲自綠
更添了幾聲啼鴉十里揚州

三生杜牧前事休說 又還是宮燭分煙奈愁裏匆匆
換時節都把一襟芳思與空堦榆莢千萬縷藏鴉細柳
爲玉尊起舞回雪想見西出陽關故人初別

惜紅衣

吳興荷花

姜夔

枕簟邀涼翠書換日睡餘無力細灑冰泉并刀破甘碧
橋頭喚酒誰訊問城南詩客岑寂高樹曉蟬說西風消
息 虹梁水陌魚浪吹香紅衣半狼藉維舟試望故園
渺天北可惜柳邊花外不共美人游歷甚特同賦三十
六陂秋色

念奴嬌

吳興荷花

姜夔

開紅一舸記來時長與鴛鴦爲侶三十六陂人未到水
佩風裳無數翠葉吹涼玉容銷酒更洒菰蒲雨嫣然搖
動冷香飛上詩句日暮青蓋亭亭情人不見爭恐凌
波去只恐舞衣寒易落愁入西風南浦高柳垂陰老魚
吹浪留我花間任田田多少幾回沙際歸路

探春慢

過苕霅別鄭
次臯諸君

姜夔

衰草愁烟亂鴉送日風沙回旋平野拂雪金鞭欺寒茸
帽還記章臺走馬誰念漂零久謾贏得幽懷難寫故人

清盼相逢小窓閒共情話
長恨離多會少重訪問竹
西珠淚盈把雁蹟沙平漁汀人散老去不堪遊冶無奈
茗溪月又喚我扁舟東下甚日歸來梅花亂零春夜

鷓鴣天

茗溪記
所見

姜夔

京洛風流絕代人因何風絮落溪津籠鬢淺出鴉頭鞞
知是凌波縹緲身紅乍笑綠長頰與誰同度可憐春
鷓鴣獨宿何曾慣化作西樓一縷雲

暗香

姜夔

辛亥之冬余載雪詣石湖止旣月授簡索句且徵新

聲作此兩曲石湖把玩不已使工妓隸習之音節諧
婉乃命之曰暗香疎影

舊時月色算幾番照我梅邊吹笛喚起玉人不管清寒
與攀摘何遜而今漸老都忘却春風詞筆但恁得竹外
疎花香冷入瑤席江國正寂寂歎寄與路遙夜雪初
積翠尊易泣紅萼無言耿相憶長記曾攜手處千樹壓
西湖寒碧又片片吹盡也幾時見得

疎影

姜夔

苔枝綴玉有翠禽小小枝上同宿客裏相逢離角黃昏

無言自倚脩竹，昭君不慣胡沙遠。但暗憶江南江北，想
珮環月夜歸來，化作此花幽獨。猶記深宮舊事，那人
正睡裏飛近。蛾綠莫侶春風，不管盈盈早與安排。金屋
還教一片隨波去，又却怨玉龍哀曲。等恁時重覓幽香，
已入小窓橫幅。

齊天樂

蟋蟀中郡
呼爲促織

姜夔

庾郎先自吟愁賦，淒淒更聞私語。露濕銅鋪，苔侵石井，
都是曾聽伊處。哀音似訴。正思婦無眠起，尋機杼。曲曲
屏山夜涼，獨自甚情緒。西窓又吹暗雨，爲誰頻斷續。

相和砧杵候館吟秋離宮吊月別有傷心無數
幽詩謾與笑籬落呼燈世間兒女寫入琴絲一
聲聲更苦宣政間有士大夫製蟋蟀吟

揚州慢感舊

姜夔

淮左名都竹西佳處解鞍少駐初程過春風十里盡
麥青青自胡馬窺江去後廢池喬木猶厭言兵漸黃昏
清角吹寒都在空城杜郎俊賞算如今重到須驚縱
豈惹詞工青樓夢好難賦深情二十四橋仍在波心蕩
冷月無聲念橋邊紅藥年年知爲誰生

淳熙丙申至日余遊維揚夜雪初霽薺麥彌望入其
城則四顧蕭條寒水自碧暮色漸起戍角悲吟余懷
愴然感慨今昔因製此曲千巖老人以爲有黍離之
感也

小意山

章良能

鶯啼花明春事深小欄紅藥已抽簪雨餘風軟碎鳴禽
遲遲日猶帶一分陰把酒莫沉吟身閑無箇事且登
臨舊游何處不堪尋無尋處惟有少年心

模魚兒

週期思稼軒之居漕留飲
於秋水觀賦一辭謝之

章謙亨

想先生跨鶴歸去依然上界官府胸中丘壑經營巧留
下午橋別墅堪愛處山對起飛來萬馬平坡駐帶湖鷗
鷺猶不忍寒盟時尋門外一片芰荷浦 秋水觀環繞

滔滔瀑布參天林木奇古雲煙只在闌干角生出晚來
微雨東道愛賓客梅花爛熳開樽俎滿懷塵土掃蕩已
無餘煞如上玉嶠翠巖路

念奴嬌

同官相招西湖觀梅
用東坡六江東去韻

章謙亨

畫樓側畔試與君管領南枝風物影浸西湖清淺水旁
倚雲崖煙壁艾衲全披檀心俱露一片前村雪碧松脩

竹歲寒真是三傑。長向酒欲冰時。魁英相放不待陽
和發。一任無情風。又雨。畢竟清香難滅。幻玉精神添酥
標致。羞上蕭蕭髮。脆員可愛。更看春二三月。

念奴嬌

垂楊在春登臺
之側喜得共地

章謙亨

垂楊得地在樓臺。側畔無人攀折。不似津亭舟繫處。只
伴客愁離別。絲過搖金帶。鋪新翠。雅稱鶯調舌。芳筵相
映。最宜斜掛殘月。却得連日春寒來。教輕袞一片庭
前雪。恨張郎今老去。難比風流時節。醉眼渾醒。愁眉都
展舞困腰支。怯有人微笑。伊把綰箇雙結。

浪淘沙

雲藏鷺
湖山

章謙亨

臺上凭欄杆猶怯春寒被誰偷了最高山將謂六丁移
取去不在人間却是曉雲閑特地遮攔與天一樣自
漫漫喜得東風收捲盡依舊追還

小重山

同仇香過清
川道間偶成

章謙亨

久雨初晴天氣佳遠峯猶被亂雲遮更無一朶路傍花
春歸也光景只柔麻山徑曲如蛇薄醪邀客去程賒
都輸與鷺鷥立平沙

牧叔詞載鉛書凡十六錄其五

藝文補

卷六十二

四十七

詩餘

小重山

至後一日長興趙宰到郡并招歸安烏程二宰及項廣文同飯

王炎

日脚才添一線長
葭灰吹玉管轉新陽
老來添得鬢邊霜
年華換歸思滿滄浪
喚客對凝香
公庭鳧鷖散緩行
觴何須紅袖立
成行清淡好勝似聽絲簧

阮邵歸

雪川作

王炎

幾回幽夢遶家山
怯聞梅弄蕊
蕭蕭黃落客瓊寒
不禁衣帶寬
身外事意瓏珊
人間行路難尋思
百計不如閑休貪
朱兩轡

臨江仙

莫子章郎中買妾佐酒魏倅以詞戲之次韻

王炎

試問休官林下去何人得似高年壺中不記歲時遷吹
簫新有伴食玉共求仙 有客樽前曾得見月眉雲鬢
娟娟斷腸刺史獨無眠誰能聞一曲偷向笛中傳

又

思憶故園花又發等閑過了流年休論陞擢與平遷拂
衣歸去好無事卽神仙 况是老人頭雪白羞看紅粉
嬋娟鸞孤鳳隻且隨緣莫將桃燕曲留與世人傳

水調歌頭

送魏倅

王炎

新漲鴨頭綠春滿白蘋洲小停畫鷁草便折柳話離愁

縹緲孤棧在望不用東風借便一瞬到皇州別酒十分
酌何惜覆三舟從此去上華頂入清流人門如許自
合唾手復公侯老我而今衰謝夢繞故園松菊底事更
遲留早晚掛冠去江上狎浮鷗

祝英臺近

春日客龜
溪遊廢圃

吳文英

綠幽香巡古苑竹冷翠微路關草溪根沙印小蓮步白
襟兩鬢清霜一年寒食又身在雲山深處晝閒度因
甚天也慳春輕陰便成雨綠暗長亭歸夢趁風絮有情
花影闌干鶯聲門徑解留我霎時凝竚

珍珠簾

春日客龜溪過貴人家隔牆聞簫鼓聲疑是按舞竚立久之

吳文英

密沈爐煥餘煙裊竚立行人官道
帶歷愁香聽舞簫
雲渺恨縷情絲春絮遠悵夢隔銀瓶
難到寒峭有東風
垂柳學得腰小
還近綠水清明
歎孤身如燕將花頻
繞細雨溼黃昏
半醉歸懷抱蠹損歌紙
人去久謾淚沾
香蘭如笑書杏念客枕幽單
看春漸老

金縷歌

爲德清趙令君賦小垂虹

吳文英

浪影龜紋皺蘸平煙青紅半溼枕
溪窓燼千尺晴虹映
碧漪萬疊蘿屏擁繡謾幾度吳舫
回首歸興五湖應不

到向滄茫釣雪人，知否樵唱杳度深秀。重來趨得花
時候，記留連空山夜雨。短亭春酒，桃李新栽，成蹊處盡
是行人去後。但東閣官梅，清瘦款，乃一聲山水綠。燕無
言，風定紅簾畫寒，正悄彈吟袖。

又

陪履空先生
滄浪看梅

吳文英

喬木生雲氣，訪中興英雄陳迹。暗追前事，戰艦東風，慳
借便、夢斷神州故里。旋小築、吳宮開地，華表月明，歸夜
鶴歎。當時花竹，今如此，枝上露濺清淚。遨頭小簇行
春隊，步蒼苔、尋幽別塢。看梅開未重，唱梅邊新度曲，催

發寒梢凍盡此心與東君同意後不如今今非昔兩無
言相對滄浪水懷此恨寄殘醉

浣溪沙

中冬望後出遊
履翁舟中卽興

吳文英

新夢游仙駕紫鴻數家燈火灞陵東吹簫樓外凍雲重
石瘦溪根舩宿處月斜梅影曉寒中玉人無力倚東
風

西河

陪鶴林先
生登花園

吳文英

春乍霽清漣盡舫融洩螺雲萬疊黯凝秋黛蛾照水謾
將西子比西湖溪邊人更多麗步危徑攀豔盡柳霞到

手紅碎青蛇細折 小迴廊去天半尺盡闌入莫起東
風棋聲吹下人世海棠藉雨半繡地殘寒退初卸羅綺
除酒消春何計高沙頭更續斜陽一醉雙玉盃和流花
洗

戀繡衾 詠瓶梅

林 洪

吳何鑄常作小青錦屏風烏木瓶簪古梅枝綴像生
梅數花冥座右欲左右未嘗忘梅一夕分題賦詞有
孫貴蕃施游心僕亦在焉僕得心字戀繡衾卽席云
冰肌生怕雪來禁翠屏前短瓶滿簪真箇是疎枝瘦認

花兒不要浪吟等閑蜂蝶都休惹暗香來時借水沉旣
得个厮偎伴任風雪儘自放心

望江南

壽張儀真

王 楙

三傑後福壽兩無涯食乳相君功未旣嫵眉京兆眷方
滋富貴莫推辭 門兩戟卻棹一綸絲尊萊秋風鱸膾
美桃花春水鰕魚肥笑傲雪谿湄

瀟江紅

送李御帶珙

吳 潛

紅玉階前問何事翩然引去湖海上一汀鷗鷺半帆煙
雨報國無門空自怨濟時有策從誰吐過垂虹亭下繫

偏舟鱸堪煮 拚一醉留君住 歌一曲送君路遍江南
江北欲歸何處 世事悠悠渾未了 年光冉冉今如許 試
舉頭一笑問青天 天無語

水調歌頭

送吳叔永文歸

吳潛

才惜季方去 又更別元方 驚心天上 雙鳳接翅下高岡
萬里瞿塘煙浪 一片昭亭雲月 渺渺正相望 夜雨連風
鑿此意 獨淒涼 杜鵑聲 猶不住 攪離腸 黃鸝白酒 吾
亦歸興 動家鄉 人事紛紛 難料 世事悠悠 難說 何處問
穹蒼 蒼首落兒曹 淚一笑付滄浪

賀新郎

送吳叔季侍郎

吳潛

說着成凄楚正塵飛岷峨灑瀆光暉狐舞頗牧禁中留
不住彈壓征西幕府便一舸月汀煙渚四塞三關天樣
廣問何人自闢隄隄路成敗事幾今古茶蘼芍藥春
將暮最無情飄零柳絮攪人離緒屈指秋風吹雁訊應
憶西湖夜雨謾歲月消磨如許上下四方男子志肯臨
岐昵昵兒曹語呼大白爲君舉

又

吳中韓氏滄浪亭和吳夢窓韻

吳潛

撲盡征衫氣小夷猶樽壘杖屨踏開花事解后山翁行

樂處何似烏衣舊里歎荒草舞臺歌地百歲光陰如夢
斷算古今興廢都如此何用酒兒曹淚 江南自有漁
樵隊想家山猿愁鶴怨問人歸未寄語寒梅休放盡留
取三花兩葉待老子領些春意皎皎風流心自許儘何
妨瘦影橫斜水熾翠羽伴醒醉

又用趙用父左司韻送鄭宗丞

吳潛

又是春殘去倚東風寒雲淡日墮紅飄絮燕社鴻秋人
不問儘管吳笙越鼓但短髮星星無數萬事惟消彭澤
醉也何妨袖卷長沙舞身與世只如許 闌干拍手閑

情緒便明朝。蒼煙白鷺北山南。浦笑指牛橋橋畔路。簾幕深深院宇。尚起得柳煙花霧。我亦故山猿鶴。怨問何時歸棹。雙鷺清歌一曲。恨千縷。

又

寄趙南仲

吳潛

煙樹瓜洲岸。望旌旗獵獵遙空。故人天遠不似沙鷗飛得。渡直到彭鞍側。時但徙倚危闌。目斷自古鍾情須我輩。况人間萬事。思量遍。濤似雪。風如箭。揚州十里珠簾捲。想桃根桃葉。依舊家庭院。誰把青紅吹到眼。知有醉翁局段。便回首舟移帆轉。渺渺江波愁未了。正淮

山日暮雲撩亂，閣酒盞倚歌扇。

又 春感

吳潛

笑口開能幾把，年年芳情冶。思總拋閑，裏桃杏枝頭春
才半。寒食清明又是，但歲月、颺飛川逝。回首秦樓雙燕
語，到如今。目斷斜陽外，將往事、試重記。香羅尚有相
思，笑人生、新愁易積。舊歡難繼。水上流紅無覓處，還
隔關山萬里。但贏得、新來憔悴。昨夜東風顛狂後，想餘
芳盡是飄零底。詞寫就，倩誰寄。

又 贈建寧
妓女

吳潛

可意人如玉小簾櫳輕勻淡佇道家妝束長恨春歸無
尋處全在波明黛綠看冶葉倡條渾俗比似江梅清有
韻更臨風對月斜依竹看不足詠不足 曲屏半掩青
山簇正輕寒夜永花睡半欹殘燭縹渺九霞光裡麝香
在衣裳賸馥又只恐銅壺聲促試問送人歸去後對一
奩花影垂金粟腸易斷恨難續

滿庭芳

秦感

吳潛

漠漠春陰疎疎春雨鶉鳩喚起春眠小園人靜獨自倚
秋千又見飄紅墮雪芳徑裏都是花鈿年年事閑愁閑

悶挂在綠楊邊 尋思都遍了功名竹帛富貴貂蟬但
身爲利鎖心被名牽爭似依山傍水數椽外二頃良田
無繁絳炊粳釀秫長是好花天

醉江月

梅花

吳潛

曉來窗外正南枝初放兩花三藥千古春風頭上立羞
退機桃繁李姑射神遊壽陽粧褪色界塵都洗竹扉松
平生所尚聊耳 堪笑強說和羨此君心事指高山
流水隴驛淒涼却怕被哀角城頭吹起此處關情爲它
凝佇淡月清霜裏巡簷何事歲寒相誓而已

又殿曰登軒樓望揚州於雲朝
縹緲之間寄趙南仲端明

吳潛

半空樓閣把江山圖畫一時收拾白鳥孤飛飛盡處最
好暮天秋碧萬里西風百年人事設倚闌干初疑辨何
許揚州煙樹歷歷應念老子年來浮名浮利已作虛
空擲三徑才尋贖活計又是飄零爲客回首平生驚心
雙鬢容易成悽惻尊前一笑且由醉帽欹側

聲聲慢

和吳夢窓賦梅

吳潛

挨晴撥暖載酒呼朋夷猶東圃西園綠萼枝頭兩三初
破輕寒平生自甘寂寞占冷妝不爲人妍林逋去問影

疎杳暗誰賦其間。空想故山奇事。正煙橫嶺曲。月浸
溪灣。杏錯桃訛。那時青子都圓。惟餽夢窓。知處對翠禽
依約。神仙休引角。怕征人。淚落寒邊。

沁園春

題東林山四仙道院

程公許

釣渭仍孫成。逼茂才。何事改圖。想雲房邂逅。玄機密契。
是鉛是汞。非有非無。夢覺邯鄲。戰慄蠻觸。一笑天遊。周
八區。何須待指。梨川滄海。細問麻姑。據梧我已忘吾。
向這裡。遲疑非丈。大旣金樽。灑灑鴻飛遠矣。錦峯樓就。
鶴化來。歟。湖海神交。次離功濟。那羨琴高。跨鯉魚人間。

世且隨緣放浪等是玄都

念奴嬌

中秋

程公許

晚涼散策恨西風不貸一池殘綠誰與水輪揮玉斧治
好今宵圓足樹抄光翻莎庭影轉零亂崑臺玉盞宵清
露直須洗下醺醺休問湖海飄零老人心事似倚岩
枯木萬里親知應健否脉脉此情誰屬世慮難憑天高
難問倚遍闌干曲不妨隨寓買園催種松竹

賀新郎

文及翁

一勺西湖水渡江來百年歌舞百年酣醉回首洛陽花

世界煙渺黍離之地更不復新亭墮淚
羨樂紅粧搖盡
舫問中流擊楫何人是千古恨幾時洗
余生自負澄
清志更有誰
備溪未遇傳
巖未起國事
如今誰仗倚
衣帶一江而
已便都道江
神堪恃借問
孤山林處士
但掉頭笑梅
花盡天下事
可知矣

百字令

詠雪刺賈栢也

文及翁

沒巴沒鼻霎時間做出漫天漫地不問高低并上下平
白都教一例鼓弄滕六招邀罷只忌施威勢識他不
做至今道是祥瑞最是鵝鴨池邊三更半夜談了吳

元濟哀郭先生都不管挨上門兒穩睡一夜東風三竿
紅日萬事隨流水東皇笑道山河元是我底

續文補卷之六十二終